



**Claudii Fleurii Abbatis Historia Ecclesiastica**

Ab anno Christi 1415. usque ad annum 1431

**Fleury, Claude**

**August. Vind. [u.a.], 1768**

**VD18 90118294**

§. 160. Huneflotum obsidione cinctum, ac vi captum.

---

[urn:nbn:de:hbz:466:1-66272](#)

Ubi ergo exercitum suum contraxit, Sæcul. XV.  
A.C. 1415.  
 haud ultra animi sui consilia occultavit,  
 sed aperto Marte se adversus Gallos jura  
 sua tuiturum declaravit; deditque ad  
 Regem literas querelis, atque minis ple-  
 nas, eumque in sua subscriptione simpli-  
 citer *Carolum Galliæ cognatum suum* no-  
 minavit, postmodum vero *Portum gra-*  
*tiæ ad ostia sequanæ situm ingressus est,* &  
*cum sex millibus cataphractorum, triginta*  
*sagittariorum millibus, aliisque pluribus*  
*copiis justo exercitus numero convenien-*  
*tibus exscensionem fecit.*

### §. CLX.

*Huneflotum obsidione cinctum, ac vi*  
*captum.*

**H**oc exercitu instructus Huneflotum, Honfleur.  
 aliis *Arefludum*, gravi obsidione pre-  
 mit. Urbs ista fortiter Anglorum impe-  
 tus sustinuit, munita præsidio ac virtute  
 quadringentorum militum, & septingen-  
 torum vel octingentorum Provinciæ No-  
 bilium, qui ad hostem ab urbe repellen-  
 dum accurrerant. Nihilominus vi occu-  
 patum est castrum, atque direptum, cum  
 Gallici exercitus Duces, ut fama fert, vel  
 ignavia, vel proditione, laboranti urbi  
 succurrere neglicerent, cuius rei culpa  
 potissimum in Albretum Connestabilem  
 rejiciebatur.

Ubi

Sæcul. XV. Ubi vero Carolus VI. nulla mora suas  
 A.C. 1415. collegerat copias, anglorum quamplurimi strenue pugnantes ceciderunt, nec pauciores grassante lue e medio sublati sunt, cumque ad apertos campos excurrere non auderent, magna annonæ penuria premebantur, quam ob rem, postquam tribus septimanis ad oram maritimam substitissent, castra movere, & Callesium repetere cogebantur. Transibant Caletensem agrum, Augii Comitatum, & Vinnemacensem districtum, ut trajecto amne Somona apud Blancetaciam redditum suum maturare possent. Gallorum exercitus nonnisi ex provinciali militia collectus, hostem in itinere proprius laescere non equidem est ausus; Verum Rex Rothomagum veniens, juncto quatuordecim millium armatorum subsidio unacum omnibus Principibus (exceptis Aquitanniæ, Bituricensi, Britanniæ, & Burgundiæ Ducibus) Anglos aggredi constituit. Ast, cum Somonæ fluminis transitum valido milite obfirmare, sicque facili negotio Anglos delere potuisset, ipse neglecto hoc consilio citra flumen apud Azincurtium in Comitatu S. Pauli Picardiæ oppidum a Blangio non longe distitum, transeuntibus Anglis commeatum intercludere decrevit. Angli perspecto Gallorum consilio, cum laboribus fracti essent, & commisso prælio non abs

re

re extremam interencionem vererentur, Sæcul. XV.  
 Chostium enim copiæ quadruplo eorum A. C. 1415.  
 reliquiis superiores erant) omnia damna  
 a tempore, quo in Gallias excurrerunt,  
 data se reparaturos promiserunt. Nihilo-  
 minus adeo amplæ conditions a Gallis  
 rejiciebantur.

## §. CLXI.

*Galli in prælio ad Azincourtum  
devicti.*

Ergo postera die vigesima quinta Octo- *Naucler.*  
 bris Galli hostem ad pugnam provo- *gen. 48.*  
 cant, infausto tamen successu, nam An- *p. 444.*  
 glorum ad duram, aut vincendi, aut mo-  
 riendi necessitatem redactorum despera-  
 tio, tumultuaria Gallici exercitus instru-  
 ctio, & arrogantior inter Duces exorta  
 summi imperii æmulatio Gallis admo-  
 dum funesta fuit, accessit etiam importu-  
 na primi agminis dispositio, ita enim in-  
 structum erat, ut præ angustia loci pri-  
 mi duntaxat ordines pugnandi copiam  
 haberent, denique ipse campus maxime  
 iniquus erat ob humum uliginosam, & adeo  
 imbribus madefactam, ut milites depres-  
 sum ad suram usque pedem ægerrime  
 promoverent. Hæc omnia caussæ erant  
 extremæ Gallorum cladis, quorum sex  
 millia ceciderunt, mille duntaxat, ac sex-  
 centis Anglorum desideratis. Præcipui  
 occisos